



BODI YA MIKOPO YA ELIMU YA JUU ZANZIBAR

MWONGOZO WA UTOAJI MIKOPO KWA WAOMBAJI WAPYA KWA MWAKA WA MASOMO 2024/2025



1.0 UTANGULIZI

Bodi ya Mikopo ya Elimu ya Juu Zanzibar (BMEJZ) ni Taasisi ya Serikali inayojitegemea ikiwa chini ya Wizara ya Elimu na Mafunzo ya Amali (WEMA) na imeanzishwa chini ya Sheria Namba 3 ya mwaka 2011. Bodi ya Mikopo ya Elimu ya Juu Zanzibar inajukumu la kutoa mikopo kwa wanafunzi wa elimu ya juu na kukusanya marejesho ya mikopo hiyo kwa lengo la kuufanya utaratibu wa utoaji mikopo kuwa endelevu.

Waombaji mikopo ya elimu ya juu kwa mwaka wa masomo 2024/2025 wanatakiwa kusoma na kufuata taratibu za maombi katika Mwongozo huu wa mwaka wa masomo 2024/2025.

2.0 MAELEKEZO MUHIMU KWA WAOMBAJI WAPYA

Waombaji wote wa Mikopo ya Elimu ya Juu kwa mwaka wa masomo 2024/25 maombi yao yanapaswa kuyawasilisha kupitia mfumo maalum wa maombi ya mtandaoni unaojulikana ***ZHELB Online Loans Application System (ZOLAS)***.

Mfumo wa **ZOLAS** umeunganishwa na mfumo ya Tasisi nyengine za Elimu ya Juu, zikiwemo Tume ya Taifa ya Vyuo Vikuu (TCU), Baraza la Mafunzo ya Ufundi (NACTVET), Baraza la Taifa la Mitihani (NECTA).

Aidha, ZOLAS imeunganishwa na mfumo wa Mamlaka ya Usajili wa Matukio Maalum ya Kijamii ya Zanzibar (ZCSRA) inayotoa vitambulisho vya Mzanzibari Mkaazi, na mfumo wa malipo wa Serikali (ZANMALIPO).

Ili kuweza kutuma maombi kwenye mfumo wa ZOLAS, waombaji wote wanatakiwa kuzingatia mambo yafuatayo:

- i. Kuwa na Kitambulisho cha Mzanzibari Mkaazi.
- ii. Kuhakikisha kuwa nambari ya mtihani wa kidato cha nne iwe sawa na nambari aliyoituma kuwasilisha maombi ya kujiunga na chuo.
- iii. Kuhakikisha kuwa majina yake matatu yanayotumika kwenye Kitambulisho cha Mzanzibari Mkaazi na kidato cha nne yanalingana.
- iv. Wahitimu wa nje ya Tanzania wawe na ithibati ya ulinganisho (Equivalence) kutoka NECTA kwa kidato cha nne na sita, NACTVET kwa Stashahada na TCU kwa Shahada.
- v. Wahitimu wa Stashahada wawe na *Award Verification Number* (AVN) kutoka NACTVET).
- vi. Kuwa na baruapepe (*email*) binafsi na ambayo haitobadilika kwa wakati wote. Waombaji wanasitizwa kuhifadhi vizuri neno siri (*password*) zao

- vii. Kuwa na nambari ya simu ya mkononi iliyosajiliwa na kutumika wakati wote. Mwombaji atatakiwa kuweka nambari yake ya simu kwa kutumia "*country code*" (**255XXXXXXXXXX**).
- viii. Kuhakikisha kufanya malipo stahiki ya maombi kwenye akaunti ya BMEJZ baada ya kufungua akaunti (profile) kwenye mfumo wa maombi wa **ZOLAS** na kupatiwa nambari ya kumbukumbu (control number) ya kufanya malipo hayo.
- ix. Kurudufu (*scanning*) nyaraka zote muhimu zinazohitajika wakati wa maombi zikiwemo barua za kukubaliwa kujiunga na masomo, matokeo (*transcript*) na vyeti vya kumaliza masomo kwa waombaji shahada ya pili/uzamili na shahada ya tatu/uzamivu.
- x. Waombaji wote wa vyuo vya nje ya nchi wanatakiwa kuambatisha barua za udahili (*Admission letter*) pamoja na barua kutoka Tume ya Taifa ya Vyuo Vikuu (TCU) zinazoridhia kujiunga na Chuo na kusoma fani husika (**No Objection Certificate**).
- xi. Maombi ya mikopo yanapaswa kukamilika, taarifa sahihi na kuwasilishwa ndani ya wakati.

3.0 JINSI YA KUTUMA MAOMBI

Maombi ya mikopo yatumwe kupitia tovuti ya BMEJZ (<https://zhelb.go.tz>) na kubonyeza kitufe cha **Online Loan Application System**.

Aidha, waombaji wanaweza kutuma maombi yao kupitia kiunganishi ([link](https://zolas.zhelb.go.tz/zolas)).**zolas.zhelb.go.tz/zolas**.

Ili kuweza kuwasilisha maombi hayo, kila mwombaji anatakiwa kukamilisha hatua zifuatazo:

3.1 Kujisajili

Baada ya kubofya kiunganishi **zolas.zhelb.go.tz/zolas** utafunguka ukarasa ambao mwombaji atapaswa kujaza nambari ya Kitambulisho cha Mzanzibar Mkaazi na nambari ya mtihani wa kidato cha nne.

Angalizo:

- Majina matatu ya muombaji yanayotumika kwenye kitambulisho cha Mzanzibari na kidato cha nne yawe yanalingana. Vyenginevyo utashindwa kusajiliwa na kuendelea na hatua nyengine zinazofuata.
- Nambari ya mtihani wa kidato cha nne iwe sawa na nambari iliyotumika kuwasilisha maombi ya kujiunga na chuo.

Baada ya kukamilika kwa hatua hii, mwombaji ataingiza nambari yake ya simu ya mkononi, anuani ya baruapepe na nambari ya mtihani wa kidato cha sita akiwa ni mhitimu wa kidato cha sita au nambari maalum ya utambulisho (**Award Verification Number – AVN**) kwa mhitimu wa Stashahada/Diploma.

3.2 Kufungua Akaunti (ZHEL B Online Student Account)

Wakati wakujisajili katika Mfumo wa ZOLAS, Mwombaji atatumiwa nambari maalum (**Verification Code**) kwenye baruapepe aliyowasilisha. Mwombaji atapaswa kuitumia nambari maalum (**Verification Code**) kwa kuweka neno siri (create password) ambayo ataitumia kwa kuingia kwenye Mfumo wa ZOLAS. Katika Mfumo wa ZOLAS, Mwombaji atapaswa kutumia jina la utambulisho (username) ambayo ni nambari yake ya Kitambulisho cha Mzanzibari Mkaazi

3.3 Kutuma maombi

Ufunguzi wa akaunti unamwezesha mwombaji kutuma maombi kwa kufuata maelekezo yaliyopo na kujaza kikamilifu kila kipengele husika ikiwa ni pamoja na waombaji wa mikopo kulipa **TZS 30,000/-** ambazo ni gharama za maombi zinazolipwa kupitia mitandao ya simu ya mkononi. Malipo yatafanyika baada ya mwombaji kupatiwa nambari maalum (**control number**). Malipo yatakayofanyika bila ya kutumia nambari maalum (**control number**) hayatozingatiwa. Kwa upande wa maombi ya Ufadhili wa SMZ, maombi yake hayatokuwa na gharama za kulipa.

Tanbihi: Kwa kuwa Bodi ya Mikopo ya Wanafunzi wa Elimu ya Juu Zanzibar (BMWEJZ) imeunganisha mifumo yake na HESLB, hivyo waombaji wote wa Mikopo wa BMWEJZ watapaswa kuwasilisha maombi ya mikopo HESLB ili ombi lako la BMEWEJZ liweze kuwasilishwa.

Kwa maelezo zaidi tembelea <https://zhelb.go.tz> au piga simu namba +255777607509/+255777348967

3.4 SIFA ZA KUPATA MIKOPO

Sifa za waombaji wa mikopo ambao maombi yao yanaweza kuzingatiwa wakati wa uteuzi zimetajwa kwenye kifungu cha 20 cha Sheria Na. 3/2011 ya BMEJZ.

Sifa hizo ni zifuatazo:

- a) Awe Mzanzibari mwenye kitambulisho cha Mzanzibari Mkaazi.
- b) Awe amewasilisha maombi yake kupitia mfumo wa mtandao wa maombi wa BMEJZ ndani ya muda maalum uliowekwa.
- c) Awe amepata alama nzuri za ufaulu zinazomruhusu kupata udahili kwenye chuo cha elimu ya juu kinachotambuliwa na mamlaka husika nchini.
- d) Awe ameomba fani za vipaumbele vya Taifa (**Angalia Kiambatisho Na. 1**).
- e) Asiwe na mikopo au udhamini wa masomo kutoka taasisi nyengine.
- f) Ukomo wa umri wakati wa kutuma maombi usiozidi miaka 35 kwa Mwombaji wa shahada ya kwanza, miaka 45 kwa mwombaji wa shahada ya uzamili na miaka 47 kwa mwombaji wa shahada ya uzamivu.

- g) Mwombaji anayedaiwa na BMEJZ awe ameshaanza kulipa deni lake kwa angalau asilimia 25 ya deni lote bila ya kusita kwa malipo ya deni ya kila mwezi. Ikumbukwe kuwa malipo ya asilimia 25 ya mkopo wa awali siyo dhamana ya kupangiwa mkopo.
- h) Waombaji wa vyuo vya nje wapate ithibati ya kukubaliwa kujiunga na chuo (**No Objection Certificate**) kutoka Tume ya Vyuo Vikuu ya Tanzania (TCU).

Wanafunzi wanaoendelea na masomo ambao ni wanufaika wa mikopo hawahitajiki kuwasilisha maombi mapya ya mikopo. Wanafunzi hao wanapaswa kujaza mikataba kwa kila mwaka mpya wa masomo unapoanza pamoja na kuwasilisha matokeo ya mitihani.

4.0 KUTANGAZWA MAJINA YA WAOMBAJI WALIOTEULIWA

Orodha za majina ya waombaji walioteuliwa kwa kila chuo na fani yatatangazwa kupitia tovuti za BMEJZ na WEMA katika mwezi wa **Oktoba 2023**. Aidha, kila mwombaji atakayeteuliwa atatumiwa taarifa ya uteuzi kupitia baruapepe au ujumbe mfupi wa simu na kupitia akaunti yake aliyoomba mkopo.

5.0 KUJAZA MIKATABA

Mkataba ni hati ya makubaliano kati ya BMEJZ na mwanafunzi ambapo BMEJZ itampatia muombaji mafao stahiki baada ya muombaji huyo kutimiza masharti yote yaliyoainishwa kwenye Mkataba.

5.1 MIKATABA YA WAOMBAJI WAPYA

Waombaji wapya walioteuliwa wa mikopo na ufadhili wa masomo wa SMZ watapaswa kujaza mikataba na kulipia ada ya Mkataba ya **TZS 35,000** ili kuweza kunufaika na mafao yanayotolewa na BMEJZ. Mwombaji aliyeteuliwa atapaswa kuingia kwenye akaunti yake aliyoitumia wakati wa kuwasilisha maombi ya mikopo au ufadhili wa masomo wa SMZ. Muda wa kujaza Mikataba mipya ni baada ya uteuzi ambao huanzia mwezi wa Oktoba hadi Disemba mwishoni.

Kupitia akaunti hiyo, mwombaji atapatiwa nambari maalum ya kumbukumbu ya kufanya malipo (**Control Number**) kabla ya kuendelea na hatua nyengine za kujaza mikataba.

5.2 MIKATABA YA WANUFAIKA WANAEOENDELEA NA MASOMO

Wanufaika wa mikopo na ufadhili wa masomo wa SMZ wanaoendelea na masomo mwaka 2024/25 katika Taasisi mbalimbali za Elimu ya Juu za ndani na nje ya nchi ambao hawakutuma maombi yao kwa njia ya mtandao, wataendelea kujaza mikataba inayopatikana katika ofisi za BMEJZ za Unguja na Pemba.

Wanafunzi waliojaza mikataba yao ya awali kwa njia ya mtandao, watapaswa kujaza mikataba mipya kwa kuhuisha taarifa zao kulingana na mwaka wa masomo uliopo.

Wanafunzi wote hao wanaoendelea watapaswa kulipia ada ya Mkataba ya **TZS 25,000**. Muda wa kujaza Mikataba wanafunzi wanaoendela ni kuanzia mwezi wa August hadi Septemba

Tanbihi: Kwa wanafunzi wote wapya au wanaoendela ambao watakuwa hawakujaza mikataba yao katika mda maalum uliowekwa na BMEJZ, watapatiwa huduma hio kwa malipo ya tozo ya adhabu ya asilimia 100 baada ya kumalizika mda wa kawaida.

6.0 MAFAO KWA WAOMBALI WA MIKOPO

6.1 Utaratibu wa Malipo ya Ada ya Ziada (top up tuition fees)

Katika mwaka wa masomo 2022/23 BMEJZ imeanzisha utaratibu mpya wa kufidia kwa wanafunzi waliopata mkopo ya HESLB na kuomba mkopo wa ZHELB.

Utaratibu huu wa top up BMEJZ huwasaidia wanafunzi kwenye kipengele cha ada tu na si vyenginevyo.

Sifa za malipo ya ziada kwa ada (topup)

- a. Awe amepata mkopo wa HESLB na angalau kuomba ZHELB
- b. Awe katika fani za uhandisi wa ndege, sayansi ya afya, ualimu sayansi, kilimo, uchumi wa bluu au ualimu sayansi.
- c. Awe amejaza fomu Nam. 5 inayopatikana kwa afisa mikopo wake (loan officer) ndani ya muda uliowekwa. Fomu hiyo itakua sehemu ya mkataba wake.
- d. Ada inayoombewa iwe angalau inaanzia 1.5M

6.2 1.1 Vipengele vya Mafao

Kwa kuzingatia uhitaji wa waombaji wa mikopo na ufadhili wa masomo wa SMZ, BMEJZ inalipa gharama za masomo kwa baadhi ya mafao kama ifuatavyo kwa mwaka 2024/2025:

Na.	Mafao kwa waombaji wa mikopo vyo vya ndani	Mafao kwa waombaji wa mikopo wa vyo vya nje	Mafao kwa waombaji wa Ufadhili wa SMZ
1.	Ada ya masomo na mitihani	Ada ya masomo na mitihani	Ada ya masomo na mitihani
2.	Posho la chakula na malazi	Posho la chakula na malazi	Posho la chakula na malazi
3.	Malipo ya ziada ya ada kwa kozi maalum kwa wateuliwa wa HESLB (TOPUP)	Tiketi ya ndege	Mahitajio maalum ya kitivo
4.	Bima ya afya	Bima ya afya	Bima ya afya
5.	Stationery	Stationery	Stationery
6.			Mafunzo kwa vitendo

Tanbihi: Mafao yote tajwa hapo juu ni yatatolewa kwa wanafunzi wa Shahada ya Kwanza tu, kwa wanafunzi wa Post graduate (Uzamili na Uzamivu) wao watalipwa Ada ya masomo na mitihani tu. Gharama nyengine watapaswa kujigharamia wenyewe.

6.3 Utaratibu wa Malipo

Posho la chakula na malazi, Mahitaji maalum ya kitivo, Bima ya afya, stationery na mafunzo kwa vitendo zitalipwa moja kwa moja kwenye akaunti ya benki ya mwanafunzi. Ada ya masomo na mitihani yatalipwa moja kwa moja kwenye Taasisi husika.

Tanbihi: inasisitizwa mwanafunzi kuwasilisha nambari yake binafsi ya akaunti na kwa usahihi abayo ipo hai. Kwa upande wa mahitaji maalum ya kitivo (special faculty) wahusika watapaswa kuwasilisha taarifa za chuo kwa barua rasmi yenye kuonyesha hitajio hilo. Kwa upande wa mafunzo kwa vitendo (field) wahusika watapaswa kuwasilisha barua ya chuo na uthibitisho wa mafunzo sehemu waliyopokelewa kwa barua rasmi inoenda kwa Mkurugenzi Mtendaji wa BMWEJZ.

7.0 WAOMBAJI WA MIKOPO NJE YA NCHI

Kwa mwaka 2024/25, waombaji wa masomo katika Taasisi za Elimu ya Juu za nje ya nchi watakaoteuliwa kupata mikopo ni wale amabao fani za masomo yao ni za Vipaumbele vya Taifa na hazifundishwi au zina ushindani mkubwa katika Taasisi za Elimu ya Juu za Tanzania hasa katika kada maalum za afya, uhandisi, mafuta na gesi, kilimo, uvuvi, tiba za mifugo na uchumi wa buluu.

Waombaji wapya wa mikopo wanaotarajia kujiunga au wanaoendelea na masomo katika taasisi za elimu ya juu nje ya Tanzania, wanapaswa kuchagua ama kulipwa ada ya masomo au posho la kujikimu pekee. Hakuna mwanafunzi atakayelipiwa ada ya masomo na posho la kujikimu kwa pamoja.

Aidha, malipo ya ada yamewekwa ukomo maalum unaolingana na **US\$ 3,200** kwa mwaka na tofauti ya ada itakayojitokeza italipwa na mwafunzi husika. Utaratibu huu unatekelezwa ili kumjengea mnufaika wa mikopo ya BMWEJZ mazingira wezeshi ya kurejesha deni lake bila ya usumbufu baada ya kuhitimu masomo yake.

8.0 UTARATIBU WA MIKOPO KWA WANAOREJEA MWAKA

Wanafunzi watakaorejea mwaka husika wa masomo watalazimika kuwasilisha barua rasmi kutoka chuoni inayothibitisha uwepo wa taarifa hizo. Uongozi wa BMEJZ ukiridhia mwanafunzi husika atapatiwa nyongeza ya mwaka mmoja katika miaka yake ya masomo.

Tanbihi: Fursa hiyo ya kupatiwa mkopo kwa mwanafunzi itakuwa ni kwa mara moja tu katika miaka yake ya masomo.

9.0 RUFAA KWA WAOMBAJI WALIOKOSA MIKOPO

Wanafunzi watakaokosa kuchaguliwa kupata Mikopo ya BMEJZ na hawakuridhika na matokeo wanapaswa kuwasilisha malalamiko yao kwa Mkurugenzi, Bodi ya Mikopo ya Elimu ya Juu Zanzibar ndani ya mwezi mmoja baada ya kutoka matokeo ya uteuzi.

10.0 WADHAMINI WA WANUFAIKA WA MKOPO NA WAJIBU WAO

Kila muombaji wa mkopo atakayeteuliwa atalazimika kuwa na wadhamini wawili. Wadhamini wana wajibu wa kuthibitisha usahihi wa taarifa za waombaji na kutoa taarifa zao binafsi ambazo zitawasilishwa wakati wa kujaza mkataba wa mkopo kabla ya kusaini.

Aidha, Wadhamini wanatakiwa kuhakikisha mikopo inarejeshwa na wanapaswa kufahamu mahali wakopaji walipo na ikitokea mnufaika hajamaliza kulipa, mdhamini atalazimika kulipa mkopo huo.

11.0 UREJESHAJI MIKOPO

Baada ya kuhitimu au kusitisha masomo ya elimu ya juu, mnufaika wa mkopo atatakiwa kurejesha mkopo kwa kiwango maalum cha malipo kwa kila mwezi au kulipa deni lake kwa mkupuo akiwa na uwezo wa kufanya hivyo.

ANGALIZO: Mwombaji atakayetoa taarifa zisizo sahihi atakuwa amekwenda kinyume na taratibu za kanuni na anaweza kuchukuliwa hatua za kisheria ikiwa ni pamoja na jina lake kufutwa katika waombaji walioteuliwa kupatiwa mikopo.

Imetolewa na:

**MKURUGENZI,
BODI YA MIKOPO YA ELIMU YA JUU,
ZANZIBAR.**

KWA MAWASILIANO

Email. info@zhelb.go.tz

Website: <https://zhelb.go.tz>

Mobile +255777607509/ +255777348967

ANUWANI:

MKURUGENZI,
BODI YA MIKOPO YA ELIMU YA JUU,
P.O.BOX 3344,
ZANZIBAR.

RATIBA YA KUPOKEA NA UTEUZI WA MAOMBI YA MIKOPO KWA MWAKA 2024/2025

TAREHE	SHUGHULI
24/06/2024	UZINDUZI WA MUONGOZO WA UTOAJI WA MIKOPO NA KUFUNGUA MFUMO WA MAOMBI YA MIKOPO
15/7/2024	UFUNGUZI WA VITUO VYA USAIDIZI WA MAOMBI YA MIKOPO (ONE STOP CENTER)
	VITUO HIVYO NI HUB YA SKULI YA JANG'OMBE SEKONDARI KWA UNGUJA NA MAKTABA KUU CHAKE CHAKE KWA PEMBA
31/8/2024	KUFUNGA MFUMO WA KUPOKEA MAOMBI YA MIKOPO
15/10/2024	MATOKEO YA UTEUZI WA MAOMBI YA MIKOPO
15/11/2024	KUSHUGHULIKIA MAOMBI YA RUFAA
1/12/2024	KUPOKEA MAOMBI YA ADA YA ZIADA (TOP UP TUITION FEE)

Kiambatisho Na. 1: FANI ZA KIPAUMBELE

Uteuzi wa waombaji, mbali na kuangalia sifa za kitaaluma na vigezo vyengine, hufanywa kwa kuzingatia vipaumbele vya Taifa ambavyo hupitiwa upya kila baada ya muda. Fani za Vipaumbele vya Taifa kwa mwaka wa masomo 2024/25 vinajumuisha:

SEKTA	FANI NA KIWANGO CHA KIPAUMBELE KWA MWAKA 2023-2026		
	DARAJA LA KWANZA	DARAJA LA PILI	DARAJA LA TATU
UALIMU	Science and Mathematics	Curriculum Development	Learning Materials Development
	Technical and Vocational Teachers	Home Economy Teachers	Language with Education
	Early Childhood and Primary Education	School Science Laboratory Management	
	Geography, English, History and Kiswahili	IT with Education	
	Sign Language Interpretation, Child cares, Special Needs, Hearing and Visual Impairment	Education Administration, Management and Planning	
	Physical Education and Sport Professional	Library and Information Studies	
	Arts and Creativity specialists		
AFYA	Anaesthesiology	Cardiology	Biochemistry
	Orthodontic Dentistry	Dermatology/ Dendrologist	Prosthetics and orthoptist
	Gastroenterology	Endocrinology	Health Informatics
	Oral and Maxi facial Dentist	Neonatologist	Electrical and Biomedical Engineering
	Haematology	General Surgeon	Medical Microbiology and virology
	Medical imaging and Radiology	Medical Emergency	Nephrology Epidemiology
	Neurology and Neurosurgery	Oncology	Pharmacy and Clinical Pharmacy
	Dialysis Nurse	Gynaecology	Pharmacology and toxicology
	Obstetrics and Gynaecology	Paediatric surgery	Plastic surgery
	Ophthalmology	Physiotherapy	Rheumatology, Allergy and Immunology
	Orthopaedic	Psychiatry	Molecular Biology
	Urology	Pathology and Forensic Pathology	Parasitology & Entomology
	ENT	ICU podiatry	Biotechnology
	Nephrology	Nursing, Midwifery and Women health	Clinical Chemistry
	Pulmonologist	Xerographic General Medicine	Laboratory Scientist
	Child Psychiatry	Stomatology	Clinical Psychology
	Spinal and Brain Neurosurgeon	Critical care and Trauma	Geriatric Nurses
	Neurologist	Radiologist	Haematology
	Anaesthesiology	Internal medicine	Public Health
	Oncology, MD	Acupuncturist	
Diagnostic ultrasound	Biomedical engineering		
ARDHI	Cartography	Architecture	Housing and Infrastructure Planning
	Geo-informatics	Quantity Surveying and Construction Economics	Interior design

	Land Management and valuation	Property and Facilities Management	
	Land Surveying Engineering	Urban and Rural Planning Development Management	
	Land Dispute Management		
	Building Economics (Quantity Survey)		
	Civil Engineering		
	Landscape architecture		
NISHATI NA MAJI	Geology	Petroleum Economics and Finance	Petroleum Law
	Petroleum Chemistry	Radiation Protection	Operational and Supply Chain in Oil and Gas
	Petroleum Engineering	Renewable Energy and Atomic Energy	Oil and gas management
	Geophysics/Geochemistry	Petroleum Data Management	
	Petroleum Economics	Hydrology	
	Oil and Gas Engineering	Accounting in Oil and Gas	
	Water Engineering	Drilling Engineering	
	Water Resource Management	Petroleum reservoir Engineering	
	Mining Engineering		
	Electrical Energy and System		
	Mechatronic Engineering		
	Water Supply and Sanitation Engineering		
	Solar Power Engineering		
	Electrical and Electronic Engineering		
	Electronic Science and Technology		
Mineral Processing Engineering			
BIASHARA NA VIWANDA	Trade Negotiation	International Economy and Trade/Finance/Commerce	Trade Economy and Administration
	Metrology and Standardization	Entrepreneurship	
	Industrial Engineering (Production, Quality Assurance, Product Design)	Metallurgy Processing Engineering	
	Chemical Engineering		
	Legal and Industrial Metrology		
	Automotive Engineering		
	Mechanical engineering		
	Biological/Chemical Laboratories Technicians		
UTALII	Digital Marketing and Branding	Language Professions	Hotel Management
	Tourism Product Development and Grading	Hospitality	International Privacy and Security in Tourism

	Cultural heritage Management and Conservation	Tourism Planning and Management	Antiquate
	Architectural Conservation and Historical	Tourist Wildlife Management	
	Museology and Anthropology Museum Study	Archaeology	
KILIMO, UFUGAJI, UVUVI NA FANI ZINAZOSHABI HIANA NA UCHUMI WA BULUU	Aquaculture Science	Marine and Coastal Resources	Agriculture Planning
	Agriculture Economics	Forestry Economics and Management	Horticulture
	Irrigation Engineering	Animal breeding	Agronomy
	Marine Ecology	Animal Nutrition	Animal Husbandry
	Marine Microbiology and Parasitology	Biotechnology	Plant Pathology
	Marine and Coastal Resources	Entomology	Soil science Disciplines
	Marine Science	Plant Breeding	Molecular Science
	Bio-processing and post-harvest	Nutrition and Food Science Technology	Seed Technology
	Coast Environment	Biochemical Engineering	Microbiology
	Fish Processing	Master Fisherman	
	Oceanography	Technicians for Sea machines	
	Marine Protected Area Management (MPS)	Veterinary	
	Fisheries Science		
FEDHA	Tax Policy Analysis and Revenue Forecasting	Project Financial Analysis and Management	Tax Management
	Digital Auditing	Taxation Islamic Finance	Risk and Damage Evaluation
	Taxation on Digital Economy	Islamic Insurances	Procurement and Supply Management
	Financial Analyst	Accounting and Finance	
	Real Estate Finance and Investments	IT with Accounting/Business	
	Actuarial science		
USAFIRI NA MAWASILIANO	Maritime Transport and Nautical Science	Marine and Port Administration	Mass Communication
	Logistics and Transport Management	Road Economists	Journalism
	Highway Construction Engineering	Maritime Business and Management	
	Sound Engineer	News Editor	
	Marine Navigation	Nautical Architecture	

	Maritime Law	Pilot and Aircraft Maintenance Engineering	
	Shipping and Port Engineering	Mechanical engineering	
	Marine engineering technology	Road Engineering and Construction	
	Civil and Transportation Engineering	Audio Visual	
TEHAMA	Computer and Software Engineering	Computer Science	Graphic Designer
	System Developer	System Audit	Information Technology and Telecommunication Law
	Database Management and Security	Biometric Engineering	
	Network and Cyber Security	Signal and Information Processing	
	Computer Forensic	Artificial Intelligent	
	Information Communication Technology and Information Systems	Data Sciences	
	Electronics and Telecommunication Engineering	GIS	
MAZINGIRA	Natural Resources Management	Off-Shore Engineering	
	Negotiation Environment and Coastal Protection	Environmental Engineering	
	Environmental Disaster and Risk Management	Waste Management	
	Environmental Science		
	Environment Health and Safety		
	Aquatic environmental sciences and conservation		
	Environmental science, Planning and management		
UCHUMI NA MIPANGO YA MAENDELEO	Monitoring and Evaluation	Economics	Leadership and Good Governance
	Statistics and Econometrics	Population and Demography	
	Project Planning and Management	Public Policy	
	Policy Analysis		
	Digital Economy		
	Regional Development Planning		
NYENGINEZO		Public Administration and Public Sector Management	International Relations
		Psychology	Protocol and Diplomatic

LIPA MKOPO NA WENGINE WASO